

SINFUNIA NA' RUTTA

Oh Marunnuzza, chi bella jurnata!!!
S'avissi l'occhi mi facissi nà chianciuta...
Ju sugnu petra e non avissa aviri pinseri
ma jù e i mè soru non semu petri veri...

fummu mannati dò Signuri
ppi dariti riparu dà culata
picchè non ti voleva vurricata.

Di anni n'hannu passati tanti
e tu sì ancora ccà e megghiu 'i prima
e nuatri sempri ccà... sira e matina.

Di quannu t'attruvanù ntà sta rutta
venunu tanti a dumannari grazi e certi voti a diriti "Grazii"
ma nuddu n'hava mai cummuvuti
comu sti picciriddi ca sunu vinuti.

Trasenu tutti 'nfila beddi arucati,
cche ucchi apetti, tantu mprissiunati.
Subitu si signarunu cò signu di la cruci
e Ti taliavunu ccu l'occhi duci duci.
Di ddu mumentu cuminciau u cuncertu...

Ogni pinseru di ddi picciriddi
era nà nota di musica cilesti,
nà sinfonia di pinseri puri
ca non mi stancava d'ascutari.

E ddà musica fu scritta...

...a maestra ci desi a tutti nfogghiu
ppi scriviri ognedunu u so' pinseri
puru e semplici, macari ccu l'errori!

U sapemu ca a ttia piaciù stà sinfonia:
ntè to' occhi brilla nà luci ca inchiu l'aria di paci
e u Bammineddu ca porti né razza
pari ca arriri picchè è filici,
vidi li picciriddi e li binidici!

